

Jerebu di Pulau Pinang hampir paras yang tidak sihat
Astro Awani
3 Mac, 2014

GEORGETOWN: Negeri Pulau Pinang hampir tidak kelihatan dilanda jerebu sejak Ahad.

Tinjauan mendapati keadaan di beberapa tempat seperti Jambatan Pulau Pinang dan bangunan Komtar hampir tidak kelihatan dilindungi kabus jerebu yang agak tebal.

Jurucakap Jabatan Meteorologi Pulau Pinang memaklumkan bacaan pada jam 8 pagi Isnin mendapati jarak penglihatan di Butterworth dan Bayan Lepas mencatatkan jarak 3 kilometer, manakala di Prai pula, ianya 6 kilometer.

Sementara itu, bacaan Indeks Pencemaran Udara (IPU) di beberapa kawasan di Pulau Pinang sehingga jam 11 pagi tadi menghampiri paras tidak sihat.

Bacaan indeks pencemaran udara (IPU) di Seberang Jaya 2 mencatatkan bacaan 94 manakala Perai 88 dan Universiti Sains Malaysia, 79.

Kesemua tiga bacaan merekodkan peningkatan sejak pukul 8 pagi tadi.

Bacaan IPU pada tahap 5-50 adalah baik, 51-100 (sederhana), 101-200 (tidak sihat), 201-300 (sangat tidak sihat) dan melebihi 300 (berbahaya).

Copyright © Astro Awani Network Sdn. Bhd. 2014 (535275-D).

Source: <http://www.astroawani.com/news/show/jerebu-di-pulau-pinang-hampiri-paras-tidak-sihat-31145?cp>